



09. maj 2017

Meeqqat atuarfianni fagini tamani akunnernut ilinniartitsiviusussanut minnerpaaffiliinissaq anguniarlugu inatsimmut atuuttumut allannguutissatut siunnersuummik saqqummiussinisamut Naalackersuisut peqquneqarnissaannut inatsisartut aalajangiiffigisassaattut siunnersuut. Inatsisip allanngortinneqarneranittaaq akullerni atuartuniit tuluttut danskisullu akunerit ilinniartitsiviusut amerlaqatigiilernissaat qulakkeerneqassaaq. Allanguut aggustimi 2020-mi atuutilissaaq.

Mimi Karlsen Inuit Ataqaatigiit aalajangiiffigisassatut siunnersuutaanut soqutiginarumut aamma pingaaruteqarlunnartumut Siumumiit imak oqaaseqassaagut.

Naalackersuisut anguniagaanni allaqqasoqarpoq:

”Meeqqat atuarfiata, Atuarfitsialaap, nalilersorneqarnera naammassineqarpat naalackersuisooqatigiit meeqqat atuarfiani atuartitsinerup pitsanngorsarnissaa anguniarlugu immikkut iliuuseqassapput. Taamaaliornikkut sineriak tamakkerlugu angusaqassutsikkut pitsaannerusumik assigiinernerusumillu angusaqarfiusarnissaat qulakkerumallugu. Atuarfitsialammi inuunerissaarneq ineriisaanermi pingaartillugu sulisoqassaaq.”¹

Taassumaannaalluunniit naqissusserpaa siumut anguniakkatsinni suna siunertarlugu maannakkut piareersarnissatsinnut qanoq aallartittariaqarnerisugut. Taamaammatt siunnersuuteqartup anguniagaa Siumumiit apeqqusinngilluinnarparput.

Ilumoorpoq meeqqat atuarfiat tassaavoq siunissami nunap ineriartortup naasutut sorlallip pilutaniffissaa ineriartorfissaalu, piareersarneq tassaniippoq, siunissatta matuersaataa pingaarnerpaaq ilinniartitaanermiippoq.

Mimi Karlsen-ip siunnersuutimini pingaartillugu eqqaavaa meeqqat atuarfianni tuluit oqaasii dansk-it oqaasiitulli pingaaruteqartigilernissaat anguniassallugu pissusissamisooruusoq, tamanna eqqortuuvoq. Tunaartarput angussagutsigu aqagumuinnaq eqqarsarneq amigarpoq, oqartuarpugummi meerartagut siunissaraagut tamannalu massakkumiippoq, oqarnata angussaqaarparput oqarlutali angusigu maannakkut.

Atuarfik pillugu Inatsisartut inatsisissaattut siunnersuut nr. 15, 3. December 2012-imeersumi § 10-mi allamiut oqaasiinik ilinniartitsinermi tuluit oqaasiisa qallunaat oqaasiinut sanilliullugit kingulliunneqarnerat allanngortittariaqartoq isumaqarpugut, taamaattumik inatsimmut nassuiaammi paragraffit pineqartup qanoq paasineqartariqarneranik oqaasertaata Tuluit oqaasiisa allamiut oqaasiini aappaattut isigineqarnerat allanngortinneqartariaqarpoq qallunaat oqaasiinut sanilliullugit naleqannginnerusut isigineqarunnaartillugit, nunarsuarmioqataavugummi nunarsuarpulli ammariartorami Danmarkimut kisimi nunarsuaqarnerput tamaanga killittariarpoq.

Taamaasillugu siunnersuut taparserlugu Ataatsimiittaliami susassaartumut ingerlannissaa innersuupparput Ataatsimiittaliillu sulilluarnissaannik kisaallugu.

¹ Naalackersuisooqatigiinisaamut isumaqatigiissut 2016-2018, qupp. 7